

Broj: 03-17-1313/2015
Sarajevo, 15.01.2016. godine

PARLAMENT FEDERACIJE
BOSNE I HERCEGOVINE

- Predstavnički dom
gosp. Edin Mušić, predsjedavajući

- Dom naroda –
gđa. Lidija Bradara, predsjedavajuća

Bosna i Hercegovina
FEDERACIJA BOSNE I HERCEGOVINE
PARLAMENT FEDERACIJE BOSNE I HERCEGOVINE
DOM NARODA
SARAJEVO

Primljeno: 19-01-2016			
Org. jed.	Broj	Priloga	Vrijednost
02,02/c	02	1878/15	

8x

Poštovani,

U prilogu Vam, u skladu sa članom 78. st. (3) i (6) Zakona o električnoj energiji u Federaciji Bosne i Hercegovine ("Službene novine Federacije BiH", br. 66/13 i 94/15) i članom 23. stav (2) Uredbe o postupku, kriterijima, formi i sadržaju zahtjeva za izdavanje energetske dozvole za izgradnju novih i rekonstrukciju postojećih proizvodnih postrojenja ("Službene novine Federacije BiH", broj: 27/14), dostavljam Informaciju Federalnog ministarstva energije, rudarstva i industrije o aktivnostima u postupku izdavanja energetske dozvole za izgradnju vjetroelektrane „Kupres 1“ privrednog društva KAMEN-DENT d.o.o. Mostar.

Također, radi razmatranja i donošenja, dostavljam Prijedlog zaključka o davanju prethodne saglasnosti u postupku izdavanja Energetske dozvole privrednom društvu KAMEN-DENT d.o.o. Mostar, koji je Vlada Federacije Bosne i Hercegovine utvrdila na 37. sjednici, održanoj 14.01.2016. godine.

S tim u vezi, molim Vas da, u skladu sa čl. 99. i 100. Poslovnika Predstavničkog doma Parlamenta Federacije Bosne i Hercegovine („Službene novine Federacije BiH", br. 69/07 i 2/08) i čl. 89. i 90. Poslovnika o radu Doma naroda Parlamenta Federacije Bosne i Hercegovine, navedenu informaciju uvrstite u Prijedlog dnevnog reda 7. redovne sjednice Predstavničkog doma Parlamenta Federacije Bosne i Hercegovine, zakazane za 26. i 27.01.2016. godine i Prijedlog dnevnog reda prve naredne sjednice Doma naroda Parlamenta Federacije Bosne.

S poštovanjem,

Prilog:

- Informacija Federalnog ministarstva energije, rudarstva i industrije o aktivnostima u postupku izdavanja Energetske dozvole za izgradnju VE "Kupres 1" privrednog društva KAMEN-DENT d.o.o. Mostar;
- Zaključak V.broj: 66/2016 od 14.01.2016. godine;
- Prijedlog zaključka o davanju prethodne saglasnosti u postupku izdavanja Energetske dozvole privrednom društvu KAMEN-DENT d.o.o. Mostar

PREMIJER
Fadil Novalić

Na osnovu člana 78. st. (3) i (6) Zakona o električnoj energiji u Federaciji Bosne i Hercegovine ("Službene novine Federacije BiH", br. 66/13 i 94/15) i članom 23. stav (2) Uredbe o postupku, kriterijima, formi i sadržaju zahtjeva za izdavanje energetske dozvole za izgradnju novih i rekonstrukciju postojećih proizvodnih postrojenja ("Službene novine Federacije BiH", broj: 27/14), uz prethodnu pribavljenu saglasnost Vlade Federacije Bosne i Hercegovine V. broj: 66/2016 od 14.01.2016. godine, Parlament Federacije Bosne i Hercegovine na sjednici Predstavničkog doma od...2016. i na sjednici Doma naroda od...2016. godine donosi

ZAKLJUČAK

o davanju prethodne saglasnosti u postupku izdavanja Energetske dozvole privrednom društvu KAMEN-DENT d.o.o. Mostar

I

Parlament Federacije Bosne i Hercegovine daje prethodnu saglasnost Federalnom ministarstvu energije, rudarstva i industrije u postupku izdavanja Energetske dozvole, privrednom društvu KAMEN-DENT d.o.o. Mostar, za izgradnju vjetroelektrane VE „Kupres 1“, instalisane nazivne snage 48 MW (16x3 MW), odobrene snage priključenja 48 MW (16x3 MW), planirane godišnje proizvodnje električne energije od 139,5 GWh, koja se planira graditi na lokalitetu sela Ravno- Kozjača na području općine Kupres.

II

Zadužuje se Federalno ministarstvo energije, rudarstva i industrije da pristupi aktivnostima iz člana 23. st. (4), (5), (6) i (7) i člana 24. Uredbe o postupku, kriterijima, formi i sadržaju zahtjeva za izdavanje energetske dozvole za izgradnju novih i rekonstrukciju postojećih proizvodnih postrojenja ("Službene novine Federacije BiH", broj: 27/14), na izdavanju Energetske dozvole iz tačke I ovog zaključka.

III

Ovaj zaključak stupa na snagu narednog dana od dana objavljivanja u „Službenim novinama Federacije BiH“.

PFBIH, broj-----

SARAJEVO

PREDSJEDAVALA

DOMA NARODA

PARLAMENTA FEDERACIJE BiH

Lidija Bradara

PREDSJEDAVALA

PREDSTAVNIČKOG DOMA

PARLAMENTA FEDERACIJE

BiH

Edin Mušić

GOVERNMENT

Na osnovu člana 78. st. (3) i (6) Zakona o električnoj energiji u Federaciji Bosne i Hercegovine ("Službene novine Federacije BiH", br. 66/13 i 94/15), člana 23. stav (2) Uredbe o postupku, kriterijima, formi i sadržaju zahtjeva za izdavanje energetske dozvole za izgradnju novih i rekonstrukciju postojećih proizvodnih postrojenja ("Službene novine Federacije BiH", broj: 27/14) i člana 19. stav (4) Zakona o Vladi Federacije Bosne i Hercegovine („Službene novine Federacije BiH", br. 1/94, 8/95, 58/02, 19/03, 2/06 i 8/06), na prijedlog Federalnog ministarstva energije, rudarstva i industrije, Vlada Federacije Bosne i Hercegovine, na 37. sjednici, održanoj 14.01.2016. godine, donosi

ZAKLJUČAK

**o davanju prethodne saglasnosti u postupku izdavanja Energetske dozvole
privrednom društvu KAMEN-DENT d.o.o. Mostar**

I

Vlada Federacije Bosne i Hercegovine daje prethodnu saglasnost Federalnom ministarstvu energije, rudarstva i industrije (u daljem tekstu: Ministarstvo) u postupku izdavanja Energetske dozvole, privrednom društvu KAMEN-DENT d.o.o. Mostar, za izgradnju vjetroelektrane VE „Kupres 1“, instalisane nazivne snage 48 MW (16x3 MW), odobrene snage priključenja 48 MW (16x3 MW), planirane godišnje proizvodnje električne energije od 139,5 GWh, koja se planira graditi na lokalitetu sela Ravno-Kozjača na području općine Kupres.

II

Zadužuje se Premijer Vlade Federacije Bosne i Hercegovine da Informaciju, Zaključak Vlade Federacije Bosne i Hercegovine i Prjedlog zaključka Parlamenta Federacije Bosne i Hercegovine, uputi Parlamentu Federacije Bosne i Hercegovine, te zatraži prethodnu saglasnost u postupku izdavanja Energetske dozvole privrednom društvu KAMEN-DENT d.o.o. Mostar, kako bi Ministarstvo moglo pristupiti aktivnostima propisanim članom 23. st. (4), (5), (6) i (7) i članom 24. Uredbe o postupku, kriterijima, formi i sadržaju zahtjeva za izdavanje energetske dozvole za izgradnju novih i rekonstrukciju postojećih proizvodnih postrojenja („Službene novine Federacije BiH", broj: 27/14), na izdavanju Energetske dozvole iz tačke I ovog zaključka.

III

Ovaj zaključak stupa na snagu danom donošenja.

V. broj: 66 /2016
14.01.2016. godine
Sarajevo



PREMIJER

Fadil Novalić

Federacija Bosne i Hercegovine
Federalno ministarstvo energije, rudarstva i industrije
Mostar

INFORMACIJA

**o aktivnostima u postupku izdavanja Energetske dozvole za izgradnju VE
Kupres 1 privrednog društva KAMEN-DENT d.o.o. Mostar**

Mostar, novembar/2015.

INFORMACIJA

o aktivnostima u postupku izdavanja Energetske dozvole za izgradnju VE Kupres 1 privrednog društva KAMEN-DENT d.o.o. Mostar

Uvod

Informacija ima za cilj da informiše i upozna Vladu Federacije Bosne i Hercegovine o aktivnostima koje su se odvijale od strane privrednog društva KAMEN-DENT d.o.o. Mostar u postupku pribavljanja neophodnih dozvola za realizaciju projekta izgradnje vjetroelektrane Kupres 1, (VE Kupres 1), planirane na lokalitetu sela Ravno-Kozjača, na području općine Kupres.

Kako na prostoru općina Kupres, Livno i Tomislavgrad postoji više potencijalnih zona koje zadovoljavaju potrebne zahtjeve za izgradnju vjetroelektrana, Općina Kupres je 08.09.2010. godine donijela odluku o izmjeni i dopuni prostornog plana u dijelu koji se odnosi na izgradnju vjetroelektrana a u koji je, po tom osnovu, uključen i lokalitet Ravno-Kozjača definisan je prostor za izgradnju VE Kupres 1.

Realizacijom projekta izgradnje VE Kupres 1 iskoristio bi se dio vjetropotencijala na području zapadnog dijela Bosne i Hercegovine, čime bi se stvorila mogućnost povećanja energetske bilansa u Federaciji BiH i proširili proizvodni elektroenergetski kapaciteti za 48 MW instalisane snage te doprinijelo povećanju udjela proizvodnje električne energije iz obnovljivih izvora energije.

Izgradnjom VE Kupres 1 bi se doprinijelo poboljšanju ekonomskog stanja u zapadnom dijelu Bosne i Hercegovine, odnosno po osnovu prikupljenih naknada i taksu, poboljšala bi se finansijska situacija budžeta lokalne zajednice.

Informacija sadrži:

- A. Hronologiju aktivnosti u realizaciji projekta izgradnje VE Kupres 1.
- B. Status projekta izgradnje VE Kupres 1.
- C. Prijedlog zaključka.

A. Hronologija aktivnosti u realizaciji projekta izgradnje VE Kupres 1.

Privredno društvo KAMEN-DENT d.o.o. Mostar je 2013. godine potpisalo predugovor o međusobnoj saradnji s društvom Brodosplit-Holding d.o.o. članicom Brodograđevne industrije Split d.d. koja je u vlasništvu DIV d.o.o. Samobor, Republika Hrvatska, a Ugovor o regulisanju međusobnih prava i odnosa između KAMEN-DENT d.o.o. Mostar i Brodosplit-Holding d.o.o. Split 17.02.2014. godine, čime je KAMEN-DENT d.o.o. Mostar dobio strateškog i finansijskog partnera za realizaciju projekta izgradnje vjetroelektrane.

Nakon toga pristupilo se pribavljanju potrebnih dokumenata od nadležnih institucija i tijela. Slijedom navedenog privredno društvo KAMEN-DENT d.o.o. Mostar je sa Vladom Kantona 10 potpisalo Ugovor o koncesiji i Ugovor o međusobnoj saradnji s općinom Kupres.

Ugovorom o osnivanju prava građenja s općinom Kupres i Rješenjem o upisu stvarnog prava služnosti, upisana su prava građenja i služnosti u vlasničkim listovima u teretnom listu C, čime su, uz ostalu dokumentaciju, dostavljeni dokazi da

su riješeni svi imovinsko pravni odnosi za zemljište koje će se koristiti za izgradnju i pristupne puteve za VE Kupres 1.

Hronološkim slijedom pribavljeni su sljedeći dokumenti.

- Odluka Vlade Kantona 10 o prihvaćanju mišljenja br.01-02-169-1/08 od 19.06.2008. godine,
- Ugovor o koncesiji sklopljen između Ministarstva gospodarstva Hercegbosanske županije i investitora KAMEN-DENT d.o.o. Mostar, br.05-01-18-262/08 od 29.08.2008. godine,
- Izveštaj mikro-pozicioniranja vjetroturbina, privredno društvo „Fractal“ od juna 2009. godine,
- Elaborat (zahtjev) za izdavanje okolinske dozvole sa planom o upravljanju otpadom, privredno društvo „Zagrebinspekt“ od septembra 2009. godine,
- Ugovor o međusobnoj suradnji sa općinom Kupres br. 02-17-63/10 od 10.3.2010. godine,
- Izveštaj o instalaciji mjerenja vjetra i specifikaciji opreme privrednog društva „Fractal“ od marta 2011. godine,
- Idejno rješenje VE Kupres 1, koje je izradilo privredno društvo „Fractal“ od juna 2011. godine,
- Okolinska dozvola za VE Kupres 1, br. UP-I/05-23-355-3/09 SN od 21.9.2011. godine,
- Geotehnička studija (misija G1), „IGH-Mostar“ od septembar 2011. godine,
- Prethodna vodna suglasnost, broj: UP/40-1/25-2-134/13 od 21.08.2013, izdata od Agencija za vodno područje Jadranskog mora,
- Urbanistička saglasnost za VE Kupres 1, broj: UPI/03-23-2-229/11 MT od 29.08.2013. godine, Rješenje o produženju od 12.08.2014. godine
- Elaborat priključenja na regionalni put, privredno društvo „ Sarajinženjering“ od septembra 2014. godine,
- Assessment of the energy production , preduzeća GL Garrad Hassan, septembar 2014. godine,
- Elaborat geoloških i geotehničkih karakteristika tla i revizija (misija G21 i G23), privredno društvo „Geotehnos“ i „ Institut za geologiju i geotehniku“ Sarajevo, novembar 2014. godine,
- Wind monitoring campaign specification, tvrtka GL Garrad Hassan, novembar 2014. godine,
- Elaborat o postavljanju svjetlosne signalizacije, privredno društvo „IPSA“ od novembra 2014. godine,
- Elaborat o arheološkom terenskom pregledu, Filozofski fakultet Mostar od novembra 2014. godine,
- Glavni projekt (uključuje VIII knjiga) sa revizijom VE Kupres 1, privrednog društva „Sarajinženjering“ d.o.o. Sarajevo i „Bičakčić“ d.o.o. Sarajevo od decembra 2014. godine,
- Elaborat tehničkog rješenja priključka na EEM , privredno društvo „ Bičakčić“ od januara 2015. godine,
- Certifikat NOS BiH br.566-2715 od 22 maja 2015.godine,
- Isporuku turbina sa „ Siemens“-om dogovoren aranžman za potpisivanje predugovora do kraja 2015. godine.

Od strane investitora u toku su aktivnosti na izradi:

- konačnog prijedloga ugovora sa „ Simens“-om,
- konačnoj strukturi financiranja,
- evaluaciji ponuda izvođača građevinskih i elektro radova,
- pripremi teksta natječaja za nadzor izvođača radova.

Aktivnosti koje se planiraju provesti u budućnosti:

- priprema dokumentacije do faze „spremno za izgradnju“,
- proširiti suradnju sa „Simens“-om, na proizvodnju i distribuciju dijelova turbina,
- potpisivanje ugovora za nadzor izvođača radova.

B. Status projekta izgradnje VE Kupres 1

U postupku pribavljanja odobrenja za građenje za izgradnju novih i rekonstrukciju postojećih elektroenergetskih objekata investitori trebaju ishoditi Energetsku dozvolu koju, kao upravni akt, izdaje Federalno ministarstvo energije, rudarstva i industrije

Po odredbama člana 78. st. (3) i (6) Zakona o električnoj energiji u Federaciji Bosne i Hercegovine („Službene novine Federacije BiH“, broj 66/13) i člana 23. stav (2) Uredbe o postupku, kriterijima, formi i sadržaju zahtjeva za izdavanje energetske dozvole za izgradnju novih i rekonstrukciju postojećih proizvodnih postrojenja ("Službene novine Federacije BiH", broj 27/14) propisano je da za izgradnju novih i rekonstrukciju postojećih proizvodnih elektroenergetskih objekata koji su iz nadležnosti Federacije BiH i čija je instalisana snaga jednaka ili viša od 30 MW, Energetsku dozvolu izdaje Federalno ministarstvo energije, rudarstva i industrije uz prethodno pribavljenu saglasnost Vlade Federacije BiH i Parlamenta Federacije BiH.

Privredno društvo KAMEN-DENT d.o.o. Mostar podnijelo je zahtjev za izdavanje Energetske dozvole za izgradnju novog proizvodnog objekta VE Kupres 1, instalisane nazivne snage 48 MW i planirane godišnje proizvodnje električne energije od 139,5 GWh i dostavilo svu traženu dokumentaciju, u originalu ili ovjerenoj kopiji te resornom organu podnijelo zahtjev za izdavanje odobrenja za građenje.

Između ostalog, podnosilac zahtjeva KAMEN-DENT d.o.o. Mostar je dostavio i sljedeću dokumentaciju:

- Rješenje o produženju važenja urbanističke saglasnosti za još jednu godinu dana, tj. do 29.08.2015. godine, broj:UPI/03-23-2-229/11 MT od 12.08.2014.godine, izdato od Federalnog ministarstva prostornog uređenja,
- Rješenje o ustanovljenju prava služnosti, broj:02-05/02-30/2-1067/13 od 07.10.2014. godine izdato od Službe za opću upravu, društvene djelatnosti i imovinsko-pravne poslove općine Kupres,
- Ugovor o osnivanju prava građenja sklopljen između općine Kupres i KAMEN-DENT d.o.o. Mostar, otpравak izvornika OPU-IP 458/2014, po notaru Danka Vučina, od 07.10.2014. godine,
- Ispravka Ugovora o osnivanju prava građenja sklopljen između općine Kupres i KAMEN-DENT d.o.o. Mostar, otpравak izvornika OPU-IP 458/2014, po notaru Danka Vučina, od 09.10.2014. godine,
- Potvrdu o identifikaciji parcela koje se nalaze u obuhvatu prostornog plana, broj:02-02/03-30-3-11378 od 19.11.2014.godine, izdata od Službe za graditeljstvo, urbanizam, prostorno uređenje, katastar i geodetske poslove općine Kupres,
- Vodnu saglasnost, broj:UP/40-1/25-3-173/14 od 15.12.2014. godine, izdata od

- Agencije za vodno područje Jadranskog mora Mostar,
- Potvrdu kojom se potvrđuje da su u cjelosti riješeni imovinsko pravni odnosi između općine Kupres i KAMEN-DENT d.o.o. Mostar, broj:02-05/1-14-7-1491-2/14 od 16.12.2014.godine, izdata od Službe za opću upravu, društvene djelatnosti i imovinsko-pravne poslove općine Kupres,
 - Certifikat priključenja proizvodnog elektroenergetskog objekta u skladu sa zahtjevima Projektnog zadatka kojim se potvrđuje da je VE Kupres 1, KAMEN-DENT d.o.o. Mostar ispunila sve neophodne zahtjeve NOS BiH-a, Cert.br. 23-2015 od 22.05.2015. godine izdat od strane NOS BiH,
 - Uslovi za priključak korisnika na prenosnu mrežu br. 19/15, broj:03-6322/15 od 01.06.2015. godine izdati od Elektroprenosa BiH,
 - Izjava o prihvaćanju uslova za priključak Korisnika na prijenosnu mrežu, potpisana od strane Korisnika od 02.06.2015. godine,
 - Dopunsko rješenje o ustanovljenju prava služnosti broj:02-05/02-30-2-838/15 od 11.06.2015. godine izdato od Službe za opću upravu, društvene djelatnosti i imovinsko-pravne poslove općine Kupres.

C. Prijedlog zaključka

Postupajući po odredbama člana 78. st. (3) i (6) Zakona o električnoj energiji u Federaciji BiH ("Službene novine Federacije BiH", broj 66/13) i člana 23. stav (2) Uredbe o postupku, kriterijima, formi i sadržaju zahtjeva za izdavanje energetske dozvole za izgradnju novih i rekonstrukciju postojećih proizvodnih postrojenja ("Službene novine Federacije BiH", broj 27/14), Federalno ministarstvo energije, rudarstva i industrije, da bi pripremlilo nacrt Energetske dozvole i provelo javnu raspravu, treba da pribavi prethodnu saglasnost na postupak izdavanja Energetske dozvole za izgradnju VE Kupres 1 od Vlade Federacije BiH i Parlamenta Federacije BiH.

Imajući u vidu sve gore iznešeno Federalno ministarstvo energije, rudarstva i industrije predlaže Vladi Federacije BiH da usvoji Informaciju o aktivnostima u postupku izdavanja Energetske dozvole za izgradnju VE Kupres1, privrednog društva KAMEN-DENT d.o.o. Mostar sa Prijedlogom zaključka, kao i Prijedlogom zaključka koji treba da donese Parlament Federacije Bosne i Hercegovine.